

UL VIAGG DU LA SPERANZA

Oh trenu dula speranza
cun ul tò carich pièn da dulùur,
née a LOURDES a truvà la Santa
BERNADETTE dul Signùr.

Schiètt 'mè l'acqua d'una surgènt,
sti suferènt fànn stô viàgg,
oran, prégan cun fermènt
da rènd sànt sti pelegrinagg.

La féed l'è 'na fôrza ümàna
da impienìj da giòia, da curàgg,
par pudè bagnàss in la funtàna,
acqua sànta ca lenìss i suferènz e i disàgg.

Sti fedéi, sti pür cèrt,
sa meritan ul Paradìs
par lùur l'è sèmpar vèrt
hinn püür 'mè 'n gili da San Lüis.

Dènt in stà gròtta di apariziùun
quanti miràcuj te fài Santa dòna.
A chi t'invòca cun devuziùun
benedissai, vütai, cara Madòna.

Carletto BOSSI